

Ruedi Roth **Es strahlends
Lache**

b, b (B-Dur) (2 st. Jodel)

We-enn dini Seel rumore tuet und
du wötsch Gefühl verschenke; wenn
s'Herzli brennt mit heisser Gluet,
wie chuntt denn das? wersch
denkä. Denn het dii öppis gfange
gnoh; es isch halt meh als
Sympathie. Verliebti zeigets doch e
so: Es strahlends Lache no för dii.

We-enn Frau und Ma ghürote
sind, denn tuets halt öppe krache.
En jede het de herter Grind, s'isch
schwierig Friede z'mache. Doch
Fraue wösset ganz genau mit was
mer jetzt de Maa dressiert: Sie
zeigt ihm so fraue-schlau: Es
strahlends Lache und s'passiert.

I-isch denn de Herbst vom
Läbe cho; tuet andri Farbe bringe.
Wötsch nüme viel is Dörfli goh,
meh hört di seltä singe. Denn isch
no lang nöd alls verbii au jetzt
chasch s'Läbe gschtalte! Die
schönschti Sach do derbii: Es
strahlends Lache z'bhalte.